



A R M A N D O

EMINENTISSIMO S. R. E. CARDINALI.

DVCI DE RICHELIEV. PARI FRANCIAE, Ὑπερένδρ.

TRIVMPHALES lauros, victoriarum hieroglyphica, Apollini Medico veneranda consecravit antiquitas (Cardinalis Eminentissime) quod is, arte medendi Deus celebratus, acerrimus fueris propugnator sanitatis, quā humani microcosmi functiones omnes citrà noxam eduntur, politicæq; monarchiarum diriguntur actiones, quibus salvis ac integris lauri, palme, corone, ac victoria quocunque terrarum longè latèque propagantur; lesis verò ac prostratis, cum naturalis corporis humani, tum civiis reipublicæ status decidit, atque in communem vitæ ac imperij jacturam, morbi, hostesque grassantur, qui tandem superiores facti & animæ domicilium, & monarchiæ thronum evertunt. Testabatur suprema tua Eminentia, quam quum postrema obsideret ægrotudo, orbis Gallicus ceu febrili paroxysmo concussus jam contremiscebat, politica gubernaculi harmonia te presente consona, te absente dissona propè dissoluebatur, Rex Iustissimus intimo merore consciebat, solisque Galliarum, Regiæq; Majestatis hostes fallax adumbrabat oblectatio. Sed ἡνὶ χεῖρὶς τῆς Celsitudinis, prosperissimis regni Regisq; rebus, sanitatem restituerunt, saxint superi beatissimam, diuturnam, perpetuam. Id saluberrimum votum tue Altitudini, Monarchiæ incremento gloriæ exuberanti meos exoptat Genius; cuius è paterno sinu scaturientis impetu raptus, proximisque jacturoni starum concertationibus exsuscitatus meas theses Cardinalitias Eminentissimo Cardinali, in rebus tum publicis, tum sanctioribus gerendis ac dirigendis vigilantissimo & fortissimo, tuto consecrandas, tuisq; emblematis vniuerso orbi formidandis armandas, atque hisce orāmentis, Luterianis Apollinibus pergratis, primarias Medicinæ Scholas decorandas ac locupletandas esse felicioribus auspicijs auguratus sum. His namque presidijis obiectus questionem partim medicam, partim politicam propugnando, talem meæ sorti jactrice prosperitatem spero, qualem tuæ Eminentie sacratum hocce ὕψους pentagonum, noui tyronis tuis heroicis virtutibus famulantis monumentum portendit.

IOANNES CHARTERIVS.

QVÆSTIO MEDICA

CARDINALITIIS DISPUTATIONIBVS

MANE DISCVTIENDA IN SCHOLIS MEDICORVM.

DIE IOVIS DECIMA SEPTIMA MARTII.

M. MAVRICIO DE MONSTROEIL, Doctore Medico, moderatore.

An Comatosus testari potest?

789

QVI rationis integræ particeps, *αὐτὸς μέρος*; qui *αὐτὸς μέρος*, sui iuris; qui sui iuris, testari potest. Vbi ratio integræ, hinc intellectus res ad se delatas, instar iudicis, examinat; errorem, si quis est, imaginationis corrigit; vnum habet objectum, nempe verum; illinc voluntas, non modò libera, sed etiam spontanea, dissentit, consentit, abhorretque à re propositâ, vel eam vitrò prosequitur. Non testantur belluæ, nec illis intellectus, nec voluntas competit; non impuberes, rationis sunt immaturæ; non amentes, deprauatæ.

RORTE quâlibet alteratione cerebri deprauatur ratio? caue credas! melancholici, hemicranici, penè omnes, qui malè habent capite, ingeniosi, alius temperamenti gradus ritè obeundis functionibus corporis, alius animæ proprius; nihilque necesse est, vnâ læsâ facultate, ceteras lædi, perturbationes interueniunt phrenitidi, inquit Hippocratis interpres, quòd modò phantasia, modò memoria, prout humor in hanc vel illam partem deerrat, afficiatur. Qui totas principes facultates in vniuersum cerebrum diffundunt, confundunt; anteriore imaginatio, posteriore memoria, mediâ parte ratio collocata est, in eam rem anterior mollis & humida, posterior firma & sicca, media moderata temperatâque, tres ventriculi distincti, & ordine positi.

SED Comatosus rationis integræ particeps, vel iuuenis ille catalepticus, cuius expressè meminit Galenus, & intelligebat & recordabatur, nec est quod mireris! Somnolentia, proprium est symptoma imaginationis, non ratiocinationis, & imaginationis imminutæ, non abolitæ, non deprauatæ, posthac agitari potest phantasia, tranquillâ ratiocinatione, Theophilus malè imaginabatur, discurrere benè. Sit somnus vinculum primi sensifici, non animus tamen non liber est, partes præcipuæ corporis non liberæ, inter dormiendum multi loquuntur, philosophantur, ambulant, spiritus vitalis ad partes superiores, animalis ad inferiores, vix aditu prohibetur, nedùm in somno semestri cercopithecorum, nedùm in torpore fætus, etiam otiantur corde.

CUMA vigil, medium quidem inter phrenitidem & lethargum, somnum & vigiliam, cum ægri nec dormiunt, nec vigilant, vel partim dormiunt, partim vigilant, absentia vel præsentia extremorum; nascitur à permissione & veluti conflictu pituitosi biliosque humoris, *φρενιτιδὸς καὶ διανοίας* à dominio bilis, *λῆθαργος* phrenitis pituitæ, *τυφαιδία* neutrius; *κατὰ φύσιν* à calore febrili natuum extinguente, vt in Hermocrate. Somnolentum nec phrenitis, nec lethargus, propensio in somnum grauem vel leuem, & intercisum, ab humoribus frigidis, maximèque humidis; an à solâ interceptione caloris influentis? controuerti potest. Molle, in corpus nec ægrium nec sanum cadit, & in eos qui comazant, aut vinò madidi, opio vel tabaco sopiti sunt.

NUPER Comatosus, isque leuiter & intercisè somnolentus, ad interrogata sic appositè respondebat, vt eius iudicium ad pridie obitus, attestantibus Medicis, sanum visum fuerit, reliquit testamentum, contestatum, valuit. Furiosi, si per id tempus fecerint, quo furor eorum intermissus, iure testati esse videntur, actum constante ratione, rectè actum est, ne dixerint Comatosos tardè agere, quid tùm? modò agant. Surdaster qui tardè audit, Balbus qui oscitanter loquitur, nec non alij quibus audiendi, & loquendi facilitas impeditur, testamentum facere possunt. Vnde constitutio Imperialis his subuenit, vt certis casibus, & modis, secundum normam eius, possint testari, aliâque facere quæ eis permilla sunt.

Ergo Comatosus testari potest.

Proponebat Lutetiæ IOANNES CHARTERIVS Parisinus, Anno R. S. H. M. DC. XXXIII.